

**Date – 21/11/2024**

**Time - 7:30 -7:40Hrs**

## **REGIONAL NEWS BULLETIN**

### **HEADLINES (MORNING)**

1. Central Chief Information Commissioner Pu Heeralal Samariya an Mizoram State Information Commission in the takin hna an thawk thin tih a rawn hmuh thu a sawi.
2. Serchhip Bawngchawm Tlanga ‘International Paragliding Accuracy Championship 2024’ neih tur atan inbuatsaihna chak taka kalpui tan a ni.
3. Nimina Assembly inthlan neih zawh takah Maharastra-ah vote zaa 58 vel tlain Jharkhand-ah zaa 68 bawr a tla
4. Prime Minister Narendra Modia leh Guyana President Dr. Mohammed Irfaan Ali-te chu nizan khan Georgetown-ah an inkawm.

<><><>

## CIC

Ni 2 chung Mizoram tlawha lo zin Central Chief Information Commissioner Pu Heeralal Samariya chuan Mizoram State Information Commission in tha takin hna an thawk thin tih a rawn hmuh thu leh, an hnena case hrang hrang awmte tha takin an chinfel zel thu leh lawmawm a tih thu a sawi.

## BYTE

CIC hian Mizoram a cham chhungin department hrang hranga State Public Information Officer, First Appellate Authority officer te bakah Village Council hruaitute leh NGO hruaitu hrang hrangte a kawm a, an ni pawhin RTI hmanga mipuite hriat duh hriattir hna an thawh that thu leh, a tlangpuin an chhannaah mipuite an dukhawp thin thu te, chhannaah dukhawp lo appeal nawn leh an awm mang loh thu an hrih ni a sawiin, lawmawm a tih thu a sawi a. Mizoram chu lekhathiam tamna ram a nih thu sawiin Mizo mipuite chu RTI Act hmang tangkai zel turin a sawm a ni.

CIC hian nimin khan Larsap Dr. Hari Babu Kambhampati chu a chenna in Raj Bhavan-ah a hmu a, Governor chuan sorkar tha, rin ngam leh langtlang siam turin Mizo mipuiten RTI Act an hmelhriat chhoh zel thu leh mipuiten tangkai taka an hman thu a sawi a. RTI Act buaipuitute chu mipuite'n information dik leh rintlak an hriat zel theih nana theihtawp chhuaha hma la zel turin a chah a ni.

Pu Heeralal Samariya chuan hmun dang ngaihtuahin Mizorama RTI hmanga dilna lutte hun bituk ni 30 chhunga tha taka chinfel nghal zung zung a ni thin leh, za zela 1 aia tlemin thuneitu sang zawk first appellate authority leh second appellate authority an thleng chu lawmawm a tih thu a sawi a. He huna tarlan a nih danin Mizoramah financial year hmasa kum 2023-2024 chung khan RTI Act hmanga dilna lut 5,741 awmin dilna lutte chinfel zel niin, second appeal hmanga State Information Commission-a lungawilohna thlen chu zaa pakhat pawh a tlinglo a, insawifiah tura koh an nih hmain heng zinga zaa 90 te hi RTI Act hmanga information diltu hnenah chhanna kimchang an pe vek hman a ni.

Chief Information Commissioner of India hi Mizoram Information Commission-a Chief Information Commissioner Pu John Neihlaia leh Information Commissioner Pu Mangjangam Touthang te'n an tawiawm a ni.

**(DIPR/CORR)**



## AH& VETY

Animal Husbandry & Veterinary (AH&Vety) Minister Pu C. Lalsawivunga chuan Agriculture leh a kaihnawih sector chu Mizoram ei leh bar dinhmun innghahna bulpui a ni a ti.

Nimina Aijal Club-a ICAR Research Centre for NEH Region Mizoram, Kolasib te buatsaiha Interface Meeting a hmanpuinaah he thu hi sawiin Agriculture leh kaihnawih dangte chu Mizote eizawna ber leh Mizote nunphung nen pawha thuk taka inzawm tlat a ni a ti a. Vawiina Mizoram ei leh bar dinhmun tithang a, intodelh tir a, kuthnathawktu ten hma an sawn zual theih nana thawhona tur sawihona thutkhawm pawimawh tak ICAR in a buatsaih chu lawmawm a tih thu a sawi a. Minister chuan African Swine Fever avanga vawkvulhtute channa chu cheng vaibelchhe 600 chuang a ni tawh tih sawiin heng thilah pawh hiang ICAR te nen tangho a, research nei a, a vaccine siamchhuak tura chak zawka hmalak a tul tawh tak zet a ni a ti.

Mizorama tualto thlai, thei leh ran vulh venhim leh tihpun te, ram leilung leh sik leh sa mil tur, thlai, thei leh ran vulh tur pawnlam atanga chawkluh tur zawnchhuah kawngah te, natna hri laka thlai leh ran venhim kawngah leh tunlai thiamna thar ber ber hmanga, hlawk zawk leh rang zawk thlai leh ran tharchhuah theih nana sawihona hun hman chu a pawimawh tak zet a ni a ti.

Minister hian Indian Council of Agricultural Research, ICAR Research Complex for NEH Region Mizoram Centre, Kolasib buatsaih, mithiam 11 te ziah “Socio-Economic Development of Mizo Farmers through Integrated Farming System(IFS)” a tlangzarh nghal bawk a ni.

**(DIPR)**



## NHM

National Health Mission hnuai National Health Programme hrang hrang awmte zirchianga endiktu ‘Common Review Mission (CRM) Monitoring Team’ chuan nimin khan Kolasib District an tlawh.

He hun hmanpuitu Addl. DC Pi B. Malsawmtluangi chuan Central Common Review Mission Monitoring Team-te'n mipui hriselna kawnga hmasawna a awm theihna atan leh an harsatna hrang hrang sutkian anih theih nana a hmun ngei a Kolasib District an tlawh chu lawmawm a tih thu a sawi.

He hunah hian Kolasib Senior Chief Medical Officer Dr. RK Lalthlamuana chuan Health & Family Welfare Department hnuai Kolasib District chhunga hriselna kawnga hmalakna hrang hrangte a sawi a. ‘Common Review Mission Monitoring Team’ (CRM) hian Kolasib khawchhunga Health & Wellness Centre Tumpui SC-HWC, Diakkawn SC-HWC, Urban Health & Wellness Centre Venglai East, Urban Primary Health Centre Vengthar bakah Ayush Health & Wellness Centre, Thingdawlte a hmunah an tlawh nghal a. November ni 20 atanga ni 23 chhung hian Kolasib District huamchhunga Health & Wellness Centre hrang hrangte, Community Health Centre Vairengte, Bilkhawthlir PHC leh District Hospital Kolasib te an tlawh dawn a ni.

**(Andrew Kolasib PTC)**



## SERCHHIP PARAGLIDING

Thla thar December Ni 9-13 chhunga Serchhip Bawngchawm Tlanga 'International Paragliding Accuracy Championship 2024' neih tur atan inbuatsaihna chaktaka kalpui tan a ni

Serchhip Bawngchawm Tlanga Paragliding Take-Off point atanga Serchhip Zawlpui phai (Landing point) a khawvel pumhuap paragliding inelna neih tura inbuatsaihna chu chakataka kalpui tan mek ani a, ruahmanna hi Serchhip Bawrhsap Pu Paul.L.Khuma, Mizoram Aero-Sport Association(MASA) Serchhip Hqrs hruaitute leh Serchhip a Sawrkar Department hrang hrang aiawhten an siam a ni.

Kumin December thla a khawvel pumhuap inel na 'International Paragliding Accuracy Championship 2024'neih tur pual hian an tumna tur (Landing Side) Zawlpui Leilet zawlah 'Festival' ropui taka lo buatsaih nise tih ninn, he Festival ah hian Serchhip DC office te ruahmanna hnuaiah Horticulture Department ten Thei tui,thei leh thlai tharlam tak takte phochhuahna tur Stall lo buatsaih bawk se an tih bakah Mizo kutchhuak Handicraft te phochhuah tel tum anih bakah Fisheries Department te hmalakna in Ngha Kuai in chiah siak leh Sangha tharlam tak tak leiturte phochhuah nise tiin an rel a, heng bakah tui thianglim in tur Inthiarna te lo buatsaih turin PHED Department te ruat annih bakah He Festival neih chhung hian man chawi a vansang a thlawk ve duh tan Pilot te inphurh tirna ( Tandemed flight) leh Baloon hmanga Vansang a thlawk kual (Hot Air Baloon) te ruahman nih dawn bakah Zawlpui phaiah 'Free Concert' ropui taka buatsaih tum ani bawk.

He 'International Paragliding Accuracy Championship 2024' a tel tur hian India ramchhung mai bakah rampawn ram 13 atangin Glyder/pilot an inziak lut tawh a, he intihsiaknaah hian Pilot 60 chuang an tel thei tura beisei anni a, he Event lo thlen dan tur inbuatsaihna kal zelah nimin lam khan Serchhip Bawrhsap hovin Serchhip a Sawrkar Department hrang hrang aiawhte,MASA Serchhip Hqrs hruaitute leh chanchinbumiten Zawlpui Phaiah hmunhma thlithlai(Area Verification) an nei bawk ani.

(C Lalhminghlua Serchhip PTC)



## FLOWER SHOW

Aijal Club park, Aizawla Winter Fair cum Flower Show neih mek chu mipuiten an hlut hle a, tlawhtu mipui an tam zel tih Mizoram Florist Association Senior Vice President Pi Vanlalzawni chuan Akashvani corr a hrilh.

Pi Vanlalzawni chuan Flower show huaihawt chu a hautak avangin kum 1 ah vawi 1 an huaihawt thei tlangpui tih a sawi a. Kuminah pawh Horticulture department, State Medicinal Plants Board leh an member thenkhatin an sponsor avang chauha huaihawt thei an nih thu a sawi a ni.

Mizoram Florist Association Senior Vice President chuan kuminah hian Stall 90 chuang a awm thu a sawi a. Hmun dang atanga chah luh an phochhuah ve ngai loh thu sawiin Mizoram leilung leh sik leh sa mil sa, Mizoram chhung ngeia rei tak an lo phun nun tawh leh enkawl tawh chauh an phochhuak a ti a. Pangpar phochhuaktu an pawl member te chu chhungkaw eizawna ber atana hmang an awm nual thu a sawi.

Flower show chhungin kumdanga an lo huaihawt tawhah cheng nuai 40 man te an hralh tlin thin thu a sawi bawk a. Flower show an huaihawt mekah mipuite chu a tam thei ang ber kal turin a sawm a ni.

## BYTE

(Corr)



## AIR ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh [newsonair.gov.in](http://newsonair.gov.in) ah te chanchinthar hi ngaihthlak leh chhiar theih a dah a ni.





## ELECTION

Nimina Assembly inthlan neih zawh takah Maharastra-ah vote zaa 58 vel tlain Jharkhand-ah zaa 68 bawr a tla.

Jharkhand-ah hian district 12 chhunga Assembly bial 38 ah vote thlak a ni a. Kan Correspondent sawidanin Jharkhand inthlan thawhnhinaah hian candidate 528 awmin an zingah hian hmeichhia 55 an awm a ni.

Kan Corr hnen atangin report i lo ngaihthlak belh ang.

## VC

Maharastra-ah chuan inthlan hi thawhkhatah zawh fel niin Assembly bial 288 vote thlak a ni a. Chief Election Commissioner Rajiv Kumar leh Election Commissioner Gyanesh Kumar leh Dr Sukhbir Singh ten inthlante hi uluk takin an vil a ni.

(Newsonair)



## PM IN GUYANA

Prime Minister Narendra Modia leh Guyana President Dr. Mohammed Irfaan Ali-te chu nizan khan Georgetown-ah an inkawm a. Hemi hnu hian ram pahnihnten inremna thuthlung panga an ziaak a. Heng zingah hian Heng zingah hian Medical Products regulation, Hydrocarbon sector, Agriculture and allied sector leh UPI lamte a tel a ni.

Prime Minister Narendra Modia chuan hlawhtling taka Brazil-a hun a hman hnuin ni thum cham turin tukin khan Guyana a thleng a. Kum 1968 hnua India Prime minister zinga Guyana tlawh leh hmasa ber a ni a. CARICOM-India Summit vawi hnihnaah a tel dawn bawk a ni.

VC

(Newsonair)



## WAVES

Prasar Bharti kutchhuak Waves OTT platform chu nimin khan International Film Festival of India (IFFI) vawi 55-naah tlangzarh a ni a. He platform kaltlang hian tawng chi hrang hranga siam channel en theih a ni dawn a. Chanchinthar, enawm, movie, TV show leh infiamna lamte a tel ang. Filmstar Shekhar Kapoor chuan Waves chungchang hetiang hian a sawi.

(Byte)

International Film Festival of India (IFFA) hi nizan khan Goa-a tan a ni a. Tun thla ni 28 thleng IFFA hi neih a ni ang. Dr.Shyama Prasad Mukherjee stadium-ah IFFA hi neih a ni a. Film khawvela mi hmingthang tak takte an kalkhawm dawn a ni.A hawannaah hian Indian cinema chanchin hrang hrangte tarlan a ni

(Newsonair)

